

انته الگلت گومي... گومي... گومي امشي وياي أنه الچفيل أو انتي بحماي

ياخوية انشدك بية اشلون بعدك

انته الگلت گومي... گومي... گومي امشي وياي

تذكر خوية لمن گومتني من مدیت یمناک

وبطول الدرب ما فارگتني وسالم خدري بحماک

وگبل انداي اسمعک جاوبتني لو عن طلب انخاک

نعم الأخو وتسلم ... وتسلم ... تلسم یوقاي زهرة حياتي وگمر دنيای

یعباس أنه أختک وبحاجه گصدتک

انته الگلت گومي... گومي... گومي امشي وياي

یا عباس جيتک عندي طلبه او أنه اختک یمغوار

سهله او ما اظنها اعليک صعبة وييمينک الفقار

چم طفل اللزم ياخويه گلبه وايگلّي التهب نار

متک يخويه ... يخويه ... يخويه طلبتي هاي وهذا الفرات يفيض بالماي

گوم اروي ضمانه يا حامل لوانه

انته الگلت گومي... گومي... گومي امشي وياي

هذا الماي منه تشرب الناس واحنه عليه ممنوع
تقبل شيمتك يا رفعة الراس من نار الضمه انلوع
اطفالك شگلها ايگول عباس درب النهر مگطوع
ما ينهظم لو جاك ... لو جاك ... لو جاك شكاي ياخوية گلي او حطني براي
تقبل صاحب الجود نضمه وانته موجود
انته الگلت گومي ... گومي ... گومي امشي وياي

زينب من تنخت بيه سمعها وينك ابو الغيرة
مهضومة وعلى الخد هل دمعها ما يقبل ضميره
اطفال وحرم ينظر وضعها هالطاحت ابخيرة
جاوبها يخى ... يخى ... يخى ونور عيناى ياخيّة حسبي الماي إلک جاي
صاحت نعم منك ... عندي خبر عنك
انته الگلت گومي ... گومي ... گومي امشي وياي

راح او زينب اعله الأخو تربى والجيتته اتتاني
صاحت يالخذت وياك گلبى يا ذخري ابزمانى
انتظرك وگول البارى حسبى واصبر عالدهانى
ياكافل معوفك ... معوفك حصنى وحماي لو بيدى اتبعنك يرجواي
لو عوگك دهري بعدك شلى بعمرى
انته الگلت گومى ... گومى ... گومى امشى وياي

ما عودها يتعطل عليها حگ ينفذ صبرها
يملى الجود واعدها او يحيها وشعطل گمرها
وگلوب العطاشة النار بيها من يطفي جمرها
لطفالك شگله ... شگله ... شگله تطلب الماي وأنه اصفج ايميني اعلى يسراي
او سکنه اللمتنى او عنك ناشدتنى
انته الگلت گومى ... گومى ... گومى امشى وياي